

靈巫寶領教濟度金書卷之七十五

殷六

靈寶領教濟度金書卷之七十五

殷六

洞微高士開光救苦真人寧金吉兵授

靈寶通玄弘教水南先生林靈吉編

科儀立成品生神齋用

宿啓儀

入戶

法師密呪祝

玉華散景九氣凝煙香雲密羅徑衝九天侍

香金童傳言玉女傳臣所奏上聞帝前令臣

所啓咸賜如言今日告齋諸天臨軒三界五

帝列言上清執籙把籍齊到帝前迴骸起死

無量度人

各禮師存念如法

宣衛靈呪

東方

九炁青天明星大神
煥照東鄉洞映九門

教六

轉燭陽光掃穢除氛
開明童子號曰玄卿

備衛我軒上對帝君
收魔束袂討捕兇群

奉承正道赤書玉文
九天符命攝龍驛傳

普天安鎮我得飛仙
和與道合真

南方

三炁丹天 煥景流光 熒星轉燭 洞煥太陽
上有赤精 合契虛皇 開明童子 號曰華芳
總御火兵 備守玉堂 斬邪束祆 剪截魔王
北帝所承 風火衝當 流鈴交煥 翊衛壇場
正氣流行 敢有猖狂 我享上功 坐運魁罡
億劫長存 保天无疆 和與道合 真

西方

七炁素天 太白流精 光耀金門 洞朗太冥
中有素皇 號曰帝靈 保神安鎮 衛我身形
斷絕邪源 王道正明 宮殿整肅 三景齊并

道合自然 飛昇紫庭 靈寶符命 普衛萬生
元皇正炁 來合我身 功加一切 天地咸寧
和與道合真

北方

五炁玄天 元始徘徊 辰星轉燭 洞煥太微

殿六

黑靈尊神 號曰層威 統冠飛天 仙裾羽衣

備守五門 檢精捕非 敢有干試 豁落斬摧

玉符所告 神真八威 邪門閉塞 正道流輝

三光映照 我身無衰 策空駕浮 舉形仙飛

和與道合真

中央

黃炁中央 調理乾坤 陶鎔陰陽 總統玄真
鎮星吐輝 流耀九星 開明童子 號曰天璘
陽炁燄上 朱煥炎精 洞照內外 運我身形
百邪摧落 攝役鬼靈 中山神呪 普天使聞
五靈安鎮 身飛上清 和與道合 真

鳴法鼓二十四通

无上三天 玄元始三炁 太上老君 召出臣等
身中三五 功曹左右 官使者侍 香金童傳言
散花玉女 五帝直符 直日香官 各三十二人

出出者嚴裝關啓玄壇天帝神君當召此間
土地里域真官正神急上關啓臣今奉為齋
意以今宿啓告齋願得

靈寶自然生神妙炁下降流入臣等身中令
臣所啓之誠速達徑御

般六

三

虛无大道九天元皇玉帝御前

請稱法位

具位奉行靈寶生神妙齋法事小兆臣某與

臨壇官衆等今故燒香願以是功德上為

天子王侯土地官長三師四友祭酒學真弟

子某所薦亡靈九祖父母內外姻族天下人
民蠕動蛸飛跂行喙息无邊无極法界衆生
皈身皈神皈命

无上靈寶自然至真大道特乞原赦前生今
世生死宿罪重過得免離三惡五道十苦八
難九厄之中臣等身得道真飛行虛空白日
升天侍衛元尊逍遙无上七寶自然宮殿永
與道合所啓玄感應聲上御

至真无極道前

禮方

志心皈命東北方鬱單无量天尊

志心皈命東方上上禪善无量壽天尊

志心皈命東南方梵監須延天尊

志心皈命南方寂然兜術天尊

志心皈命西南方波羅尼密不驕樂天尊

志心皈命西方洞玄化應聲天尊

志心皈命西北方靈化梵輔天尊

志心皈命北方高虛清明天尊

志心皈命中央无想无結无愛天尊

禮足各長跪皈命虔誠懺悔

臣法衆等志心皈神皈命

虛无大道九天生神上帝天尊以今宿啓告
齋焚香懺悔臣聞九霄降炁金書開生死之
祥三洞垂文玉範著齋修之典將肅恭於奏
對先疏淪於根塵勉罄精誠恪祈通感猶慮

教六

四

臣等業機未破塵網猶迷井井威儀或冒三
元之律昭昭禁戒易違四極之科尚冀修持
曲垂覆護精炁神之混化觀妙凝真身口意
之澄清運神合景臣等志心稽首禮拜
无上至真三寶

三啓

樂法以爲妻

愛經如珠玉

持戒制六情

念道遣所欲

澹泊正氣停

蕭然神靜默

天魔並敬護

世世享大福

鬱鬱家國盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上无極大道

志心稽首禮

三十六部尊經

卷六

志心稽首禮

玄中大法師

重稱法位

具位奉行靈寶生神妙齋法事小泥臣某與

臨壇官衆等謹同誠上啓

虛无自然无極大道元始天尊玉晨元皇道
君萬變混沌玄元老君高上玉皇昊天上帝
三寶丈人三寶帝君九天應元雷聲普化天
尊无上九天生神上帝元父真母元皇帝君
三十六部尊經玄中大法師玉輔上宰四協
侍宸飛天神王九天真衆三界應感一切真
靈_臣等慶緣浩劫運際昌時瓊網昭八會之
章師傳玄妙瑤簡煥九光之策天錫希夷分
宜高蹈於山林迹尚卑棲於朝市駒隄忽忽
蟻磨悠悠慨素志之未圓思玄功之尚鬱承

流宣化期參贊於天工弘道濟時庶潛孚於
帝貺益堅終誓敢叛初盟爰有詞文謹當宣
奏

宣詞

按如詞言情深激越齋主某仰依帝力俯軫

天輪歲月載馳痛音容之永遠升沉靡測增
骨肉之深悲惟生神賴三寶之光而死魄藉
九陽之炁爰依經訓恭按齋盟祈霄極之晨
輝蕩幽關之陰垢臣等鋪張懇款澡雪精神
呼陰召陽振金聲而九奏法天象地崇玉陛

以三成蘭煙騰縹緲之芳蓮炬散熒煌之影
自今月某日爲始崇建

靈寶生神妙齋幾晝夜轉經行道燒香散花
奉爲亡故某消化惡根斷除宿對鍊胎返本
超凌黑鬱之都結炁成形遊宴綠羅之界謹

般六

六

依科法宿啓以聞恩惟三寶慈尊九天上帝
俯垂慈造曲鑒翹誠敕勒三洞仙官三寶真
屬侍經護法監齋衛真土地職僚虛空鑒察
同心協力掃內外之祆氛傳信達誠契人天
之影響衛護壇席成就齋功令臣等萬炁冲

虛百闕調暢發天光於泰宇密契虛無混神
景於玄虛允符竅妙開九清之慧日布五道
之慈雲化洽幽明覃恩動植明晨行道續啓
以聞臣誠惶誠恐稽首頓首再拜以聞

告符

十二願

- 臣等一願乾坤明素
- 二願氣象清玄
- 三願聖君萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全

九願家多孝悌

十願國富才賢

十一願齋功廣被

十二願善瑞日臻

存神復爐

香官使者左右龍虎君侍香諸靈官當令臣
宿啓建齋之所自然生金液丹碧芝英百靈

散六

七

衆真交會在此香火爐前令臣學道得道求
仙得仙齋主受福幽顯沾恩十方仙童玉女
侍衛香煙傳臣向來所啓之誠速達徑御
虛无大道九天元皇玉帝御前

出堂頌

道以齋為先
勤行登金闕
故設大法橋
普度諸人物
宿世恩德報
道心超然發
身飛升仙都
七祖咸解脫

回靜默堂
謝師

靈寶頌教濟度金書卷之七十五



